

SAMOA

Faatulagaina o Aiaiga

- | | |
|---|--|
| <ol style="list-style-type: none"> 1. Igoa puupuu ma le amataga 2. Faamatalaga o solitulafono 3. Uiga agavaa o sui usufono 4. Avanoa 5. Faamaoniga o le le agavaa o se sui 6. Faamauina o vaega faaupufai 7. Uiga agavaa o tagata palota 8. Faamalosia o le faamauina o tagata palota ma tagata palota taitoatasi 9. Uiga agavaa o tagata palota 10. Totogifuapauina mo filifiliga o sui faatutu 11. Soofaatasi ma vaega faaupufai faamauina 12. Nofoaga mo faiga palota 13. Faiga palota 14. Tagata palota e tauaso pe le mafai ona tusitusi pe faitautusi | <ol style="list-style-type: none"> 15. Iloiloina o pepa o le faasologa o igoa 16. Faitauina o palota 17. Totogifuapauina mo le toe faitauina o palota 18. Tuusaunoaga mai gaoioiga faasolitulafono 19. Faasalaga mo faiga tauvalea po o faiga faasolitulafono 20. <i>(soloia e le Komiti o le Fono Aoo Atoa)</i> 21. Siitia o puipuiga malu mo totogi 22. Faamasinoga ma nofoaga e fofogaina ai faamasinoga 23. Faaopoopoga o faasalaga 24. Tulafono faatonutonu 25. Pepa faamaonia e iloagofie ai 26. Tuuina atu o faasalalauga tau palota 27. Faamatalaga |
|---|--|

O SE TULAFONO e teuteu ai nisi o aiaiga o le Tulafono o Faiga Palota 1963. *[6 Iulai 2000]*

UA FAIA e le Fono Aoaofaitulafono o Samoa i totonu o le Palemene ua potopoto e faapea:-

1. Igoa puupuu ma le amataga-(1) E mafai ona taua lenei Tulafono o le Tulafono o Teuteuga o le Tulafono o Faiga Palota 2000 ma e tataua ona faitauina faatasi ma avea ai o se vaega o le Tulafono o Faiga Palota 1963 (“o le Tulafono autu”).

(2) O lenei Tulafono o le amataga faamamaluina i le aso o le a tuuina i ai le maliega a le Ao o le Malo.

2. Faamatalaga o solitulafono – Fuaiupu 2 o le Tulafono autu ua teuteuina i le faaofiina i ai o faamatalaga i le vaega o le faauigaina o upu e faapea:

“solitulafono” o lona uiga o so o se gaoioiga po o se mea ua le faia e mafai ona faasala ai so o se tagata i lalo o le Tulafono o Soligatulafono 1961 po o i lalo o so o se tulafono ma e tataua ona aofia ai so o se solitulafono ua faatonuina e tulafono”.

3. Uiga agavaa o sui usufono-(1) Fuaiupu 5(3) o le Tulafono autu ua teuteuina i le soloia o le faaupuga “12 masina” ma suia i le faaupuga “3 tausaga”.

(2) Fuaiupu 5(4) o le Tulafono autu ua teuteuina i le soloia o le faaupuga “12 masina” ma suia i le faaupuga “3 tausaga”.

(3) Fuaiupu 5(6) o le Tulafono autu ua teuteuina i le faaopoopoina o le parakalafa (c) e faapea:

“(c) Se tagata e tofia e galue i se faalapotopotoga faava-o-malo i fafo e lagolagoina pe filifilia e le Malo.”

(4) Fuaiupu 5(7) ua faaopoopoina nei e faapea:

“(7) Mo faamoemoega o lenei fuaiupu “nofo i totonu o Samoa” e tataua ona faauigaina o se tagata -

(a) O ia lea ua faavaeina se nofoaga autu e nofo ai i totonu o Samoa pe a fai o le tagata e nofo e le

itiiti ifo i le 10 masina i tausaga taitasi mo vaitaimi e tolu ni tausaga sosoo e faaiuina i le aso o faiga filifiliga; po o

- (b) O ia lea o lo o faagaoioia se pisinisi, o lo o auai i se galuega tau poto faapitoa po o se galuega o lo o galue ai o ia e le itiiti ifo i le 10 masina i tausaga taitasi i totonu o Samoa ma totogiina ni lafoga talafeagai, tiute ma isi totogifuapauina po o ni lafoga faasino i ia gaoioiga; po o
- (c) O ia lea o lo o nofo i totonu o se nuu ma faia pe fisaofaga i manaoga faaleaganuu talafeagai e atagia ai lona tulaga i luga o se faiga faifaipea e le itiiti ifo i le 10 masina i tausaga taitasi mo se vaitaimi e tolu tausaga sosoo e faaiuina i le aso o faiga filifiliga.”

(5) Fuaiupu 5(8) ua faaopoopoina nei e faapea:

“(8) O le fuafuaina o le vaitaimi e pei ona aiaia e le faafuaiupu (7) o lenei fuaiupu e le tatau ona aofia ai le toesea le tumau o tagata e tatau ona toesea mai Samoa i le faatinoina o o latou tiute aloaia pe a fai e umia se tofiga faale-malo, tofi po o ofisa po o se sui usufono po o se tofiga aloaia o se faalapotopotoga tumaoti a atunuu po o se faalapotopotoga aloaia faaletulafono o lo o faaautu i totonu o Samoa.”

4. Avanoa – Fuaiupu 10 o le Tulafono autu ua teuteuina i le soloia o le parakalafa (j).

5. Faamaoniga o le le agavaa o se sui – Fuaiupu 11 o le Tulafono autu ua teuteuina e faapea -

- (a) I le soloia o faamatalaga uma i le parakalafa (j);
- (b) I le soloia o le faaupuga “ona o so o se tasi o mafuaaga” i tulaga o lo o aliali mai ai i totonu o le fuaiupu ma sua i upu “o mafuaaga”;
- (c) I le soloia o le upu “o parakalafa” i tulaga o lo o aliali mai ai i totonu o le fuaiupu ma sua i le upu “parakalafa”;

- (d) I le soloia mai le faafuaiupu (4) ia upu: “le tagata ua tuaiina e faapea ua fai aiga ma le sui usufono ua molia, po o”.

6. Faamauina o vaega faaupufai – Vaega II o le Tulafono autu ua teuteuina i le faaofiina i ai o le Vaega IIA e faapea:

**“VAEGA IIA
VAEGA FAAUPUFUI**

15A. Faamauina o vaega faaupufai-(1) I le noatia ma le fai fuafua i lenei Vaega o lenei Tulafono, e mafai e se vaega faaupufai ona faamauina mo faamoemoega o lenei Tulafono.

(2) O le Ofisa Sili Fai Palota e tatau ona faavaeina ma tausia se Tusi Resitala o le a faalausilafiaina o le Tusi Resitala o Vaega Faaupufai, e aofia ai se lisi o Vaega Faaupufai faamauina i lalo o lenei Vaega o le Tulafono.

15B. Talosaga mo le Faamauina-(1) O se talosaga mo le faamauina o se vaega faaupufai e mafai ona faia agai i le Ofisa Sili Fai Palota -

- (a) E le Failautusi o le vaega faaupufai; po o
(b) E se sui usufono o le Palemene o lo o avea ma se sui fai lafoga tupe a lenei vaega i le taimi nei.

(2) O se talosaga mo le faamauina o se vaega faaupufai agavaa -

- (a) E tatau ona faia i luga o se tusitusiga; ma
(b) E tatau ona sainia e le tagata o lo o talosaga; ma
(c) E tatau -
(i) ona faatulaga mai ai le igoa o le vaega faaupufai; ma
(ii) a fai ua manao le vaega faaupufai ina ia mafai ona faaaogaina mo faamoemoega o lenei Tulafono se faapuupuuga o lona igoa; faatulaga mai ai le igoa o lenei faapuupuuga; ma
(iii) faatulaga mai ai le igoa ma le tuatusi o le tagata o lo o talosaga ma le tulaga ua faia ai e ia (tane/tamaitai) le talosaga; ma

(iv) pe a fai o le tagata o lo o talosaga e le o le Failautusi o le vaega faaupufai, faatulaga mai ai le igoa ma le tuatusi o le Failautusi o le vaega faaupufai; ma

(v) ona tuuina mai faatasi ma se tautinoga ua faia e le tagata o lo o talosaga i le faiga e pei ona aiaia e le fuaiupu 19 o le Tulafono o Tautoga, Faamatalaga Tauto ma Tautinoga 1963, e faapea o le vaega faaupufai o lo o i ai e le itiiti ifo nai lo le 100 sui auai lafo tupe i le taimi nei o lo o agavaa e faamauina e avea ai o ni tagata palota po o tagata palota taitoatasi.

(3) I luga o le mauaina o se talosaga mo le faamauina o se vaega faaupufai, e tatau i le Ofisa Sili Fai Palota ona tagofia le talosaga e tusa ai ma lenei vaega o lenei Tulafono ma fuafua pe faamata e mafai ona faamauina le vaega faaupufai.

(4) E leai se talosaga mo le faamauina o le a taliaina ina ua tuanai le aso na tuuina atu ai le faasilasilaga mo se faiga palota po o se faiga palota laitiiti.

(5) E leai se talosaga mo le faamauina o le a taliaina pe a fai i le manatu o le Ofisa Sili Fai Palota o le igoa ua fuafuaina e le vaega faaupufai po o so o se faapuupuuga ua fuafuaina e sea vaega faaupufai -

- (a) E i ai ni uiga mataga pe le logomalie; po o
- (b) E umi tele; po o
- (c) E ono tulai mai ai se fenumiai pe taitaiseseina ai tagata palota; po o
- (d) O lo o i ai so o se faasinomaga i se igoa po o se Tulaga Mamalu po o se tulaga talitutusa e iloagofie ai.

15C. Faamauina-(1) A fai ua fuafuaina e le Ofisa Sili Fai Palota e faapea o se vaega faaupufai e tatau ona faamauina, o le Ofisa Sili Fai Palota e tatau ona -

- (a) Faamauina le vaega faaupufai i le faauluina lea i totonu o le tusi resitala;
 - (i) o le igoa o le vaega faaupufai; ma

- (ii) a fai ua faatulagaina mai ai le faapuupuuga o le igoa o le vaega faaupufai i totonu o le talosaga, lena faapuupuuga; ma
- (b) Tuuina atu se faasilasilaga tusitusia i le tagata o lo o talosaga e faapea ua maea ona faamauina lena vaega faaupufai; ma
- (c) Tuuina atu se faasilasilaga o le faamauina i le vaega faaupufai ina ia faasalalauina i totonu o le Kaseti.
- (2) A fai o se talosaga mo le faamauina ua teena e tatau i le Ofisa Sili Fai Palota ona tuuina atu i le tagata o lo o talosaga se faasilasilaga tusia e tusa ai ma le teena o le talosaga faatasi ai ma mafuaaga ua teena ai le talosaga.
- (3) O le a avea ma tiute a le Failautusi o so o se vaega faaupufai ua faamauina le -
- (a) Tuuina mai o le tuatusi e auina atu i ai tusitusiga uma e tusa ai ma lena vaega o le Tulafono i le Ofisa Sili Fai Palota;
- (b) Logoina vave le Ofisa Sili Fai Palota e tusa ai ma so o se suiga i le tuatusi e auina atu i ai ni tusitusiga uma;
- (c) Logoina vave o le Ofisa Sili Fai Palota i so o se taimi e tofia ai Failautusi fou a vaega faaupufai;
- (d) Logoina le Ofisa Sili Fai Palota pe a fai o le aofai o sui fai lafoga tupe i le taimi nei ua pau i lalo ifo o le 100.
- (4) E mafai e le Ofisa Sili Fai Palota ona teuteuina faamatalaga auiliili o le Tusi Resitala mai lea taimi i lea taimi pe a fai ua i ai so o se suiga e tusa ai ma le faafuaiupu (3).
- (5) A fai ua sailia e se vaega faaupufai faamauina ina ia suia lona igoa po o le faapuupuuga o lona igoa, e leai se teuteuga e mafai ona faia i le vaega faaupufai ua faamauina i le taimi nei, peitai e tatau ona faia se isi talosaga fou mo le faamauina ma tuuina atu i le Ofisa Sili Fai Palota mo lana iloiloga.

15D. Suesueina o le Tusi Resitala – E agavaa sui o le atunuu lautele e suesueina le tusi resitala a o faagasolo itula faigaluega masani o so o se aso o lo o tatalaina ai le ofisa o le Ofisa Sili Fai Palota.

15E. Faaleaogaina o le faamauina-(1) E tatau i le Ofisa Sili Fai Palota ona faaleaogaina le faamauina o so o se vaega faaupufai ua faamauina -

- (a) E avea ai ma taunuuga o se talosaga na faia e le Failautusi e avea ai ma sui o le vaega faaupufai po o isi tagata o lo o umia tofi faaofisa;
 - (b) A fai ua silafia e le Ofisa Sili Fai Palota e faapea o le fuainumera o sui fai lafoga tupe i le taimi nei ua pau i lalo ifo o le 100.
- (2) A fai o le faamauina o se vaega faaupufai ua faaleaogaina e le Ofisa Sili Fai Palota -
- (a) E tatau ona ia tuuina atu se faasilasilaga tusitusia i le Tagata na talosaga ma le Failautusi o le vaega faaupufai e tusa ai ma mafuaaga o le faaleaogaina o le faamauina o le vaega faaupufai;
 - (b) Tuuina atu se faasilasilaga o le faaleaogaina ina ia faasalalauina i totonu o le Kaseti.

7. Uiga agavaa o tagata palota – Fuaiupu 16 o le Tulafono autu ua teuteuina i le soloia o le parakalafa (g) o le faafuaiupu (2).

8. Faamalosia o le faamauina o tagata palota ma tagata palota taitoatasi – Fuaiupu 18 o le Tulafono autu ua teuteuina i le faaofiina i ai o le fuaiupu 18B e faapea:

“18B. Faamalosia o le faamauina o tagata palota ma tagata palota taitoatasi-(1) O tagata uma taitasi ua agavaa ina ia faamauina e avea o se tagata palota po o se tagata palota taitoatasi i lalo o lenei Tulafono e tatau (pe a fai o lo o i ai o ia i totonu o Samoa), ona faia se talosaga i totonu o le pepa faatonuina i le Resitara o Tagata Palota mo le faamauina e avea ai o se tagata palota po o se tagata palota taitoatasi i totonu o le tasi le masina ina ua tuanai le aso na uluai agavaa ai e faamauina e avea ai o se tagata palota po o se tagata palota taitoatasi.

(2) O tagata uma taitasi ua faia se solitulafono faasaga i lenei fuaiupu o ia lea e pei ona manaomia e lenei fuaiupu e talosaga mo le faamauina e avea ai o se tagata palota po o se tagata palota taitoatasi, ao faagasolo so o se vaitaimi, ua faia ma le iloa ma le loto i ai le le faamauina o lona igoa e avea ai o se tagata palota po o se tagata palota taitoatasi.”

9. Uiga agavaa o tagata palota – Fuaiupu 19(1) o le Tulafono autu ua teuteuina nei i le faaopoopoina i ai o upu “po o fanau a fanau” pe a tuanai upu “o le fanau” o lo o aliali mai i le parakalafa (b)(i) o le fuaiupu.

10. Totogifuapauina mo filifiliga o sui faatutu – Fuaiupu 49 o le Tulafono autu ua teuteuina nei i le soloia o le fuainumera “\$100” ma suia i le fuaiunumera “\$300”.

11. Soofaatasi ma vaega faaupufai faamauina – Fuaiupu 56A o le Tulafono autu ua soloia nei ma suia i le fuaiupu e faapea:

“56A. Igoa o le vaega faaupufai-(1) A fai o se suafa ua faaalua i luga o se pepa o filifiliga o sui faatutu po o isi pepa aloaia o lo o lisiina ai e le sui tauva se vaega faaupufai, e mafai e le Ofisa Sili Fai Palota ona manaomia se faamaoniga o agavaa o ia sui tauva e tapa ai lea tulaga aloaia.

(2) E leai se vaega faaupufai e le i faamauina e tataua ona aloaia e le Ofisa Sili Fai Palota.

12. Nofoga mo Faiga Palota – Fuaiupu 59 o le Tulafono autu ua teuteuina nei i le faaopoopoina i ai o le faafuaiupu (1A) e faapea:

“1A. E mafai e le Ofisa Sili Fai Palota ona faailogaina nofoaga mo faiga palota mo so o se itumalo o lo o mafai ona faatuina i fafo atu o tuaoi faaalaalafaga o sea itumalo pe a fai e manatu ua talafeagai ai.”

13. Faiga Palota – Fuaiupu 70 o le Tulafono autu ua teuteuina nei i le faaofiina i ai o le fuaiupu 70E e faapea:

“70E. Tagata faigaluega ia i ai taimi e tuua ai galuega ina ia palota-(1) O tagata palota uma po o tagata palota taitoatasi e tatau ona tuuina atu i ai taimi talafeagai mo le faamoemoe o le palota, ma e le tatau ai i le tulafono mo so o se tagata e ana le galuega ona faia o so o se faaitiitiga mai so o se totogi e ono totogi atu i so o sea tagata faigaluega e tusa ai o le toesea mai le galuega.

(2) I le noatia ma le fai fuafua i le faafuaiupu (1) a fai o se tagata palota po o se tagata palota taitoatasi ua le i ai se avanoa talafeagai e palota ai a o le i amataina le galuega, e tatau ai i tagata uma e ana galuega ona faataga sea tagata faigaluega e tuua lana galuega mo le faamoemoe autu o le palota e le sili atu i le 12 i le aoauli o le aso faigaluega mo le vaega o le aso o lo o totoe.

(3) I le noatia ma le fai fuafua i le faafuaiupu (1) ma le (2) a fai o se tagata palota po o se tagata palota taitoatasi e manaomia e faigaluega pe a tuana'i le 12 i le aoauli o le aso o le faiga palota mo le faamoemoe o le tauaveina o so o se galuega taua po o se auaunaga e tatau i le e ana le galuega ona faataga le tagata faigaluega e tuua lana galuega mo se vaitaimi e le sili atu i le 2 itula mo le faamoemoe o le palota.”

14. Tagata palota e tauaso pe le mafai ona faitautusi pe tusitusi – Fuaiupu 73(5) o le Tulafono autu ua teuteuina nei i le faaopo-opoina i ai o upu “po o i se sala e le sili atu i le 5 iunite tau faasalaga po o faasalaga uma e lua”, pe a tuana'i upu “...e le sili atu i le 3 masina”.

15. Iloiloina o pepa o le faasologa o igoa – Fuaiupu 76 o le Tulafono autu ua teuteuina nei i le soloia o le faafuaiupu (2) ma suia i le faafuaiupu e faapea:

“(2) O le Ofisa Sili Fai Palota (ma ana fesoasoani) po o ni Ofisa Fai Palota ua filifilia e le Ofisa Sili Fai Palota e iloiloina lisi o le faasologa o Igoa, e tatau ona auai i le iloiloga e faaopoopo atu i le tagata ua tofia e avea o se tagata e vaavaaia le faiga palota mo sui tauva taitoatasi.”

16. Faitauina o palota – Fuaiupu 79 o le Tulafono autu ua teuteuina i le faaopoopoina i ai o upu “ma ni tagata Ofisa Fai Palota ua filifilia i lalo o le fuaiupu 76 o lenei Tulafono” pe a tuanai upu “o ia tagata fesoasoani”.

17. Totogifuapauina mo le toe faitauina o palota – Fuaiupu 81 o le Tulafono autu ua teuteuina i le soloia o le fuainumera “\$30” i le faafuaiupu (2) ma suia i le fuainumera “\$500”.

18. Tuusaunoaga mai gaoioiga faasolitulafono – Fuaiupu 99A o le Tulafono autu ua teuteuina i le faaofiina i ai o le faafuaiupu (4) e faapea:

“(4) Mo le faamoemoe o le Vaega IX o lenei Tulafono o le tuuina atu o meataumafa mama i le tulaga o meaai ma vaiinu e, po o le avea ma sui o, so o se sui tauva i le faasologa o itula o se faiga palota e le tatau ona avea o se faiga faasolitulafono po o se faiga tauvalea i le noatia ma le fai fuafua i aiaiga ua taua e faapea -

- (a) O meaai ma/poo vaiinu ua faia po o ua tuuina mai e le itiiti ifo i le 100 mita mai so o se nofoaga mo faiga palota; ma
- (b) O meaai ma/po o vaiinu ua faia po o ua tuuina atu i tagata taitoatasi e le sili atu i le \$10 le aofai o le tau atoa.

19. Faasalaga mo faiga tauvalea po o faiga faasolitulafono – Fuaiupu 101 o le Tulafono autu ua teuteuina i le-

- (a) Soloia o le fuainumera \$400 mai le parakalafa (a) ma suia i ai le faaupuga “20 iunite tau faasalaga”;
- (b) Soloia o le fuainumera \$200 mai le parakalafa (b) ma suia i ai le faaupuga “10 iunite tau faasalaga”.

20. *(soloia e le Komiti o le Fono Aoa Atoa).*

21. Siitia o puipuiga malu mo totogi – Fuaiupu 107 o le Tulafono atu ua teuteuina i le soloia o le fuainumera “\$100” o lo o aliali mai i totonu o le faafuaiupu (2) ma suia i le fuainumera “\$2,000”.

22. Faamasinoga ma nofoaga e fofogaina ai faamasinoga – Fuaiupu 110 ua teuteuina i le soloia o le fuaiupu ma suia i ai le:

“110. Faamasinoga ma nofoaga e fofogaina ai faamasinoga - O talosaga uma e uiga i faiga palota e tataua ona suesueina e ni faamasino se toalua po o le sili atu foi o le Faamasinoga Maualuga i se nofoaga ua filifilia e le Faamasinoga.”

23. Faaopoopoga o faasalaga – O fuaiupu ua taua i totonu o le Tulafono atu o lo o faatulagaina ai faasalaga tau tupe ua teuteuina nei e faapea:

- (a) Fuaiupu 12 ua teuteuina i le soloia o le fuainumera “\$50” i le faafuaiupu (2) ma suia i le faaupuga “1 le unite tau faasalaga”;
- (b) Fuaiupu 14 ua teuteuina i le soloia o le fuainumera “\$60” ma suia i le faaupuga “1 le unite tau faasalaga”;
- (c) Fuaiupu 24 ua teuteuina i le soloia o le fuainumera “\$40” i le faafuaiupu (1) ma suia i le faaupuga “1 le unite tau faasalaga”;
- (d) Fuaiupu 25E ua teuteuina i le soloia o le fuainumera “\$100” i le faafuaiupu (2) ma suia i le faaupuga “2 unite tau faasalaga”;
- (e) Fuaiupu 32 ua teuteuina i le soloia o le fuainumera “\$40” i le faafuaiupu (4) ma suia i le faaupuga “1 le unite tau faasalaga”;
- (f) Fuaiupu 40 ua teuteuina i le soloia o le fuainumera “\$500” ma suia i le faaupuga “8 unite tau faasalaga”;
- (g) Fuaiupu 41 ua teuteuina i le soloia o le fuainumera “\$500” ma suia i le faaupuga “8 unite tau faasalaga”;

- (h) Fuaiupu 42 ua teuteuina i le soloia o le fuainumera “\$40” ma suia i le faaupuga “1 le unite tau faasalaga”;
- (i) Fuaiupu 43 ua teuteuina i le soloia o le fuainumera “\$40” ma suia i le faaupuga “1 le unite tau faasalaga”;
- (j) Fuaiupu 68 ua teuteuina i le soloia o le fuainumera “\$40” i le faafuaiupu (2) ma suia i le faaupuga “1 le unite tau faasalaga”;
- (k) Fuaiupu 69 ua teuteuina i le soloia o le fuainumera “\$100” i le faafuaiupu (4) ma suia i le faaupuga “2 unite tau faasalaga”;
- (l) Fuaiupu 70 ua teuteuina i le soloia o le fuainumera “\$100” i le faafuaiupu (5) ma suia i le faaupuga “2 unite tau faasalaga”;
- (m) Fuaiupu 88 ua teuteuina i le :
 - (i) soloia o le fuainumera “\$500” i le parakalafa (e) ma suia i le faaupuga “8 unite tau faasalaga”;
 - (ii) soloia o le fuainumera “\$500” i le parakalafa (f) ma suia i le faaupuga “8 unite tau faasalaga”;
 - (iii) soloia o le fuainumera “\$100” i le parakalafa (g) ma suia i le faaupuga “2 unite tau faasalaga”;
- (n) Fuaiupu 89 ua teuteuina i le soloia o le fuainumera “\$500” ma suia i le faaupuga “8 unite tau faasalaga”;
- (o) Fuaiupu 90 ua teuteuina i le soloia o le fuainumera “\$500” ma suia i le faaupuga “8 unite tau faasalaga”;
- (p) Fuaiupu 91 ua teuteuina i le soloia o le fuainumera “\$500” ma suia i le faaupuga “8 iunite tau faasalaga”.

24. Tulafono Faatonutonu – O le fuaiupu 136 o le Tulafono autu ua teuteuina i le soloia o le fuainumera “\$100” ma suia i le faaupuga “2 unite tau faasalaga”.

25. Pepa Faamaonia e Iloagofie ai – O le fuaiupu 135A o le Tulafono autu ua teuteuina i le soloia o le fuainumera “10” i le faafuaiupu (2) ma suia i ai le fuainumera “11”.

26. Tuuina atu o faasalalauga tau palota – Fuaiupu 45 o le Tulafono autu ua teuteuina nei i le faaofiina i ai o le fuaiupu 45C e faapea:

“45C – E leai se faasalalauga tau palota e tuuina atu a o faatali se talosaga e uiga i le faiga palota – A fai ua maea ona faaalua se talosaga e uiga i le faiga palota faasaga i le toe foi mai o so o se sui ua avea ma sui o le itumalo po o tagata palota taitoatasi, o lona nofoa o le a faaavanoaina i luga o so o se mafuaaga ua taua i le fuaiupu 5 o lenei Tulafono, e leai se faasalalauga tau palota e faatumu ai le avanoa e tataua ona tuuina atu seia vagana pe afai ua maea ona tuueseina le talosaga ma e vagana foi pe afai ua manatu le Faamasinoga o lea sui e lei filifilia aloaia ma e faapea o se isi tagata sa filifilia aloaia.”

27. Faamatalaga – O le Faamatalaga i le Tulafono autu ua teuteuina e faapea -

“(1) E tusa ai ma le Pepa 1A i le -

- (a) Soloia o le laina muamua o le Pepa 1A o lo o amataina i upu “I le Resitara o tagata palota ma tagata palota taitoatasi mo Samoa” ma faaofiina i ai e faapea:
“Faasilasilaga o Auiliiliga tau i le Tagata mo talosaga e avea ai o se tagata palota” faamauina.
- (b) Soloia le parakalafa atoa muamua o le Pepa 1A e amata mai i upu “O Au o (nuu palota ma le nuu e nofomau ai, ma le galuega po o faamatalaga)..... ma faaofiina i ai e faapea:
- (c) I le faaofiina i ai e faapea:
“O Au o, AB (faaofiina i ai le tuatusi o le nuu o lo o nofomau ai, galuega ma faamatalaga), ma ou te faasilasila atu i le ava ma le faaaloalo e faapea:

- (a) Ua ou agavaa e tuuina lou igoa i le lisi o le faasologa o le aupalota o (faaofiina i ai le itumalo faaalaalafaga);
- (b) O loo faamauina lou igoa i le taimi nei i le lisi o le faasologa o igoa o le aupalota o (faaofi i ai le itumalo faaalaalafaga) po o i le lisi o le faasologa o igoa o tagata palota taitoatasi ma ua ou manao ina ia faia lau filifiliga e suia lou itumalo faaalaalafaga ia (faaofi i ai le itumalo faaalaalafaga) ma e lei suia lava i vaitaimi talu ai ina ua maea le faiga palota aoao talu ai; po o
- (c) E le o faamauina au i le taimi nei i so o se lisi o faasologa o igoa o le aupalota e avea o se tagata palota po o se tagata palota taitoatasi;
- (d) O faamatalaga auiliili uma o lo o i totonu o lenei tautinoga e moni ma sao lelei e tusa ai ma lou iloa -

MA UA OU FAIA lenei tautinoga i le ava ma le faaaloalo, ma lou talitonuga ua moni e tusa ma le Tulafono o Tautoga, Faamatalaga Tauto ma Tautinoga 1963.

FAIA i lenei aso.....o)
)
2000 i ou luma)

LOIA O LE FAAMASINOGA MAUALUGA
PO O RESITARA/SUI RESITARA O LE
FAAMASINOGA MAUALUGA.

- (2) E tusa ai ma le Pepa 2 e :
 - (a) Teuteuina o le fesili 8 i le faaopoopoina i ai o upu “tina, tama o le tama, po o le tina o le tama”, ina ua tuanai ia upu “... igoa o lou tama”;

- (b) Teuteuina o le fesili 9 i le faaopoopoina i ai o upu “po o ia (tamaitai)” ina ua tuana'i ia upu “pe a fai o ia (alii)” ma upu “po o ia (tamaitai)” ina ua tuana'i upu “.....po o fea sa i ai o ia.....”;
- (c) Teuteuina o le fesili 10 i le faaopoopoina i ai o upu “po o tina po o matua o matua” ina ua tuana'i upu “.....igoa o le tama”;
- (d) Soloia o parakalafa mulimuli e lua o lo o amata i upu “SAINI IINEI....” ma a fai o lo o e talosaga e auala mai i lou tina.....”, ma faoafina i ai e faapea:

“O Au o AB (faaofi i ai le tuatusi o le nuu nofo-mau, galuega) i le ava ma le faaaloalo ua ou faasilasila atu ai e faapea:

- (a) Ua ou agavaa e tuuina lou igoa i le lisi o le faasologa o igoa o le aupalota o tagata palota taitoatasi; ma
- (b) O faamatalaga auiliili o lo o i totonu o lenei faasilasilaga e moni ma sao lelei; ma
- (c) E le o faamauina au i so o se lisi o igoa o le aupalota i totonu o Samoa.

MA UA OU FAIA lenei faasilasilaga i le ava ma le faaaloalo ma lou talitonuga o nei faamatalaga e moni ma e tusa ai ma le Tulafono o Tautinoga, Faamatalaga Tauto ma Tautinoga 1963.

FAIA i.....i lenei aso...)
)
 o.....2000, i ou luma.)

**LOIA O LE FAAMASINOGA SILI PO O
 RESITARA/SUI RESITARA O LE
 FAAMASINOGA SILI.**

Lolomiina i lalo o le pule a le Fono Aoao Faitulafono,
 e le Failautusi o le Fono Aoao Faitulafono.